



Senin, 13 November 2023

Ogen : Johanes 15: 13-14



Kam Temanku



Manusia igelari makhluk sosial ertina manusia e perlu teman sada ras sidebanna. Lit 5 dampar engkai maka manusia banci erteman. 1. Lit perserina, seri sura-surana, seri hobbina rsd. 2. Ngasup 'er-endi-enta,' ku kelengi kam-kelengindu aku, tek aku bandu-tek kam bangku, ku sampati kam-sampatindu aku. 3. Cocok, meriah ercakup ras ia, jumpa bual rsd. 4. Rembak ras; subuk rumahta, perkadekadenta pendahinnta rsd. 5. Radu ertanggungjabap i bas pendahin. Geluh enda lit ertina adi kita erteman. Teman banci jadi ingan nuri-nuri/curhat subuk sedih ras iluh mambur bage pe subuk meriah ukur, tawa-tawa. Penelitiin ilmu Psikoneuroimunologi, nina senyuman, sentuhan, pelukan dan ciuman persahabatan meningkatkan kekebalan tubuh kita dalam rupa-rupa penyakit psikis dan fisik. Nina sekalak filsuf Aristoteles, lit telu tipe persahabatan; 1. Persahabatan utilitas, erteman erkiteken lit untungna, lit gunana man aku. 2. Persahabatan pleasure, erteman i bas kesenangan saja, "ada duit abang sayang, tak ada duit abang ditendang. 3. Persahabatan si ngukuri kiniulin teman; uga erbansa maka temanta e sukses, uga gelah ia megegeh i bas kerina tantangan. Tapi, Jesus erbahan sada persahabaten si kuh, e me persahabaten pengorbanen. Nggit ngasamken kesah guna teman-temanna. Persahabaten si sejajar, teman ningen e seri posisina, la lit atasen entah bawahen. Bagem Tuhan Jesus namaken dirina seri ras kita. Janah nggit mate guna kita. I bas pusuh e melala batu, (mesui pusuh ngidah perbahanen teman). Kai gunana mesui pusuh e sibalas alu erbahan mesui pusuh teman? Kai gunana adi si bangun tembok persirang-sirangen? Me ulin batu e sibahan jadi jembatan? Ya, jembatan persahabatan. Adi merincuh kita dat hadiah, pebuelah teman. Adi ateta jadi pasu-pasu, Bersahabatlah! Jadi teman ras ndarami teman e igelari jembatan hubungan.